


方鉗制或指為輕薄或目為狂妄或尋其瑕衅或幸其差久
言及更張則曰變亂成法言及薦舉則曰專擅選官言及彈
劾則曰排陷大臣刑罰明加怨恨暗懷如此則言官懼禍害
而不言之路所以不開臣又見比歲大臣犯公罪繫累下獄
裸衣受刑曾不數日尋復舊職臣謂如此非所以重大臣也
夫大臣群僚之表也誠重大臣要使勿輕進而已臣又見內
外總兵官非依勳戚則憑賄賂士卒成怨夷狄外侵皆本兵
不得其人也國家安危未有不繫將帥將帥得人未有不係
本兵者比見無耻大臣交結內官鬻獄賣官擅作威福自古

宦官委以國政授以大權卒致亂敗卒用刑獄望 皇上法
高皇帝而已矣毋使筦軍筦匠置立田宅文武官毋使交結
凡有政事宸衷是斷館閣大臣是議毋使干涉推擇謹厚奉
侍左右安其位厚其實不失富貴無復外望則已耳
襄陵王冲炆求遷江西湖廣不許
甲戌襄王瞻璿請 皇上選婚禮部亦言之報可
順聖川收地改屯田
乙亥府軍前衛百戶馬真言 之長技在射宜治火器列陣
前刀牌後弓矢止則為籬出則為陣則胡騎不能衝突又陝



西遼東大同邊民習射獵請召募給械復其徭役秋冬備伍
春夏歸農 上納之

國子祭酒劉益卒吉水人宣德癸丑進士

前左都御史軒輓卒輓字惟衡鹿邑人永樂甲辰進士授行
人右司副擢御史歷浙江按察使右副都御史巡撫浙江累
進今官性耿介門絕私謁按浙時寒暑蔬布宴不兼味約某
寮至日市一肉聞喪明日即去及奪情復任稍自矜後撫浙
浙威望不及也然冰蘖之操終始不易天下信之賜祭葬萬
歷中贈少保贈謚端肅

陳善曰語云介不忤物貞不近名軒之指腹忤情矣然以

此擊貪殘吏部內凜々奸猾者望風解去所謂良臣如猛

虎高步曠野而豺狼避路豈不然哉

丁丑哈密使臣苦免魯海牙奏國王卜列革死無子仇加思


蘭欲侵據之西番安定王與我同祖今兄弟七人乞選一主

哈密許之

辛巳羽林衛指揮使吳俊為中府都督同知 女選中宮

六月癸未朔復前都御史耿九疇子裕編脩

甲申山東沂水縣大水



乙未賑哈密麥種百石

丁酉補經筵官太保會昌侯孫繼宗少保大學士李賢知經筵事吏部左右侍郎兼翰林學士陳文彭時同知經筵事太常寺少卿兼翰林侍讀學士劉定之少詹事兼國子祭酒司馬恂大理寺左少卿孔公恂翰林學士柯潛萬安侍講學士李泰太常寺少卿兼侍讀孫賢劉珣牛綸左庶子兼侍講王慎徐溥脩撰王獻劉宣黎淳編脩李本尹直直經筵別勅李賢陳文彭時率萬安李泰孫賢劉珣牛綸日儆直不用侍衛癸卯夜大星自室宿流至羽林軍

己巳撫寧侯朱永總督神機營都督僉事趙輔為都督同知

同理軍務

丙午費淮嗣崇信伯費釗子


丁未藩府廣宗王幼秣薨年二十七謚懷靖

戊申正一嗣教真人張元吉改封體玄悟法淵默靜虛闡道

弘化妙應大真人母高氏加封慈懿端惠貞淑太玄君

七月壬子朔遣官分祭歷代帝王先師陵墓

乙卯安南國寧遠州頭目刺孟刺羨冠雲南之臨安知府周瑛不以聞治其罪寧遠本漢地宣德初宥黎利有司失攷併



寧遠及廣西太平府之祿州陷焉

已未許彰武伯楊信世襲

辛酉南京禮部右侍郎章綸以山陵尚新元朔未改請來春

大婚時婚禮業行不及止

壬戌嚴邊將侵漁軍士之禁

甲子刑部尚書陸瑜吏部左侍郎崔恭考屬吏止試文檄被

劾上切責之

丙寅定祭天壽山四陵八遣駙馬一員舊一員疲于奔命

戊辰復調民兵守紫荆倒馬二關

壬申立皇后吳氏

都察院都事金景輝言會通河自安山抵臨清僅有汶水若

春月雨少水微舟必膠淺宜再理別源以脩汴梁城北陳橋

集有一古河由長垣經曹州鉅野出運河每水溢舟行其間

誠開濬分引河沁水置二閘啟閉而徐州臨清西河均得濟

且增衛水可免長垣曹鄆飛輓之勞又江淮民舟由徐州小

浮橋抵陳橋以達無濟寧壅滯之苦甚利便詔覈之


庚辰禮科都給事中張寧等請進講宋儒真德秀大學衍義

納之

國權

景泰八年

九



辛巳召甘肅總兵官定襄伯郭登總管神機營撫寧伯朱永
薦之或曰定襄伯將也子已久在事能下之乎哉永曰吾知

治天子軍需才耳吾安知下

定西侯蔣琬為平羗將軍總兵官鎮守甘肅

八月癸未開經筵于文華殿每月二日輒講

甲申始日講

禮部左侍郎鄒幹展墓

都督同知趙輔上戰車制云下特弓馬戰車足避矢拒馬以

戰車及鹿角互相為用則所向無敵矣車如民間小車前木

板廣丈二尺高六尺板開窓列銃矛戰則陣止則營下兵部

議之

太原府旱

辛卯兵部尚書馬昂調戶部召總督漕運左副都御史王竑


為兵部尚書巡撫宣府右副都御史李秉為左都御史

罷工部右侍郎吳復復閩人起掾曹 倉大使歷 主

簿宣 知縣進工部主事管易州山陝天順初夤賂得右通

政尋侍郎人鄙惡之

壬辰大學士李賢等以民困停暫作鹵簿大駕從之



乙未巡撫四川左僉都御史陳泰為右副都御史總督漕運
兼巡撫鳳陽巡撫廣東右僉都御史葉盛為左僉都御史巡
撫宣府

丙申景州獻嘉禾

丁酉吏部尚書王翱乞休不允時年八十一

戊戌勅脩英宗睿皇帝實錄監脩會昌侯孫繼宗總裁大
學士李賢吏部左右侍郎陳文彭時副總裁禮部右侍郎李
紹太常寺少卿兼翰林學士劉定之國子祭酒吳節纂脩學
士柯潛

召南京侍讀周洪謨起服脩撰劉俊陳鑑劉吉編脩徐瑱劉
健檢討邢讓張頤纂脩實錄


勅保定侯孟昂平鄉伯陳政分歷郡縣印馬
庚子巡撫廣西右僉都御史吳禎提督兩廣軍務
都督同知歐信為征蠻將軍總兵官鎮守廣西都督僉事范
信為副總兵鎮守廣東都督同知孫麒都督僉事孫震為左
右叅將分守柳慶潯梧召還泰寧侯陳涇
鎮遠侯顧淳占田下獄尋釋之

癸卯廢 皇后吳氏司禮太監牛玉吳熹謫南京孝陵都督

國權

景泰八年

三




同知吳俊成登州謂玉選后時俊曰熹賂王故俱下獄廷議
吳氏不可共承宗祀遂白 太后廢之勅后曰朕惟皇后所
以共承宗祀表正六官非德性淳淑禮度閑習不足以當之
爾言動輕浮禮度粗率留心由調習為邪蕩將何以共承宗
祀表正六官其 上皇后冊寶退處別宮詔曰朕勉遵 先
帝之命冊立皇后不意太監牛玉偏徇已私將 先帝時選
退吳氏于 母后前奏請立為皇后朕觀吳氏輕浮粗率詩
云靡不有初 尚不謹何以克終朕負天下之重處禮之變
所遇如此豈得已哉敷告群臣悉予至意后立未踰月而廢

史謂後宮先有擅寵者被后杖責故及然宮禁事秘莫得而
詳也

大月設遷曰 吳后廢不以罪且席未煖而長門之恨繼之歸
獄牛玉玉誠專欲擅軒龍之柄義所不出也入宮之妬實
才人萬氏釀之自來床簀之愛人主溺其私雖法拂無所
關其口然唐宋猶有力爭者至我朝結盈廷之舌將恕
已諒主之說勝耶

府谷知縣秦紘為葭州知州紘以謫吏廉能特著

甲辰罷三千營總兵官懷寧侯孫鏜太常寺卿兼侍讀牛少



綸吏部員外郎楊琮俱因牛玉株及鐘玉姻家綸玉從子琮

玉錫

乙巳神機營總兵官撫寧侯朱永兼領三千營

周府安鄉王有炯薨年五十五謚恭莊

戊申前右都御史王暹卒山陰人永樂戊戌進士館選授刑部主事

庚戌四川都指揮使何洪為右府都督僉事以征東苗功

九月丁巳大學士李賢請舉官論囚命仍先帝令毋會閣臣

戊午傳制封見瀟荆王申鉞蜀王友堯慶符王觀均上高王

河間野蚕成蠶

伊府洛陽王勉惺薨年三十四謚安惠

十庚申吳璽嗣清平伯吳英子

免漕耗四萬六千餘石

辛酉增畿內諸生廩米月二斗


下李來攻瓦剌

甲子復岳正翰林脩撰預脩實錄

戊辰許郢府南漳郡主子周塌入監

辛未翰林脩撰劉俊為南京國子祭酒

哈密忠順王母弩温答失里失貢



乙亥考察京官戶部郎中江陰卞榮等罷斥有差榮工詩不
檢故士論薄之同榮稱詩都御史張楷教授聶大年

已卯太僕寺少卿李侃上激勸四事激勸武藝以收豪傑激
勸士民以守關口激勸夷人使自攻擊廣西激勸武臣以恤
軍士上納之


戶部郎中龐勝乞開武舉章下所司
前陝西布政司右叅政許彬復禮部左侍郎仍致仕

十月壬午翰林脩撰劉吉為侍讀

徐備嗣魏國公 徐承宗子 十四歲喪

癸未金吾左衛指揮使王鎮為中府都督同知
巡撫延綏右僉都御史徐廷章總兵官署都指揮僉事張傑
互許詔刑部錦衣衛遣覈之

甲申禮部左侍郎薛瑄卒瑄字德溫河津人從官補鄆陵諸
生舉河南第一永樂辛丑進士授御史進山東提學僉事行
部親為士子講解擢大理寺右少卿辨冤被誣除名正統乙
巳起大理寺丞辛未起南京大理卿轉北天順初以禮部右
侍郎直閣五閱月避曹石乞休學尚踐履不標門戶雖大拜
家居時絕糧年七十三所著讀書錄河汾集贈祭墓謚文清



萬曆乙酉從祀孔廟

王廷相曰或問薛文清曰潛心聖賢急于踐履純儒也讀書錄何如曰信者之猶轍也聞所未發者鮮矣羅欽順曰讀書錄有云韓魏公范文正諸公皆一片忠誠為國之心故其事業顯著而名德孚動天下後世人以私意小智自持其身而欲事業名譽比擬前賢難矣哉其言甚當薛文清蓋有此心非徒為此言而已

唐樞曰先生倡無前之學垂有衆之宗天下無愚賢信之何也貴踐履也而近欲血食廟廷敷議詞館不識可乎曰


文廟報德報功天下不務力行先生崛起而持之使生民知有如此大事先生之功大矣
袁衷曰世多以薛公為迂嗟乎是豈知薛公者哉公之抗王振遠石亨垂死而不悔見幾而不留死生富貴皆不足動其心是豈迂者哉及讀其言論慥々乎有德之言也非所謂知而能行者哉

丙戌進士趙侃邱弘侯祥官唐仁吳原高斐俱為給事中

庚寅湖廣平溪衛卒李容偽稱總兵謀叛伏誅

壬辰立 皇后王氏 王鎮女

國權 景泰八年



禮科都給事中張寧等以 皇太后壽節禮部尚書姚夔率
大臣建醮行香使齋醮可以助國殺身亦所不辭但以無益
徒傷大體其于聖孝不無少損 上納之

乙未詔曰 先帝臨御之日常為朕簡求賢淑定王氏育後
宮待期逮馮几未命猶以婚期責成有司朕時迷疚未敢與
從矧敢與其事不意牛玉朦朧奏請 選退吳氏冊立禮
成德不稱位察其實始知非豫定者夫既遵 先帝之命以
成其禮而乃違命立非其人何以主宮闈而相祭祀用是請
命 母后正玉罪廢吳氏退居別宮與其非人寧虛厥位而

在廷文武群臣陳請建立仍遵 先帝成命冊立王氏為皇
后於戲自古人倫有常有變：而得正何憚勿為朕之是舉
匪獨正家抑恐上負 先帝選授之命于心有不安焉誕告
多方明知朕意

四川按察僉事汪浩為右僉都御史巡撫四川


丙申東鹿知縣盛顯為邵武知府博羅知縣邵銅為温州知
府衡山知縣鄭冕為衡州知府襄陽知縣李人儀為荊州知
府俱御史謫善于撫字命超異之

丁酉陳銳嗣平江伯 陳豫子

國權

景泰八年

三六



已亥報，字來糾，顏等三衛窺邊

崇安縣丞吳玘復御史

庚子南京右僉都御史高明以春夏霖雨三月揚州人忽驚疑南奔乞脩人事回天意從之

甲辰大理寺左少卿孔公恂復為少詹事兼左春坊左諭德

立武舉法

太常寺卿夏寅卒寅華亭人善書薦授中書舍人供奉最久靜退兀坐泊如也年七十三賜祭葬

戊申南京國子祭酒吳節為太常寺少卿兼翰林院侍讀學

士南京翰林侍讀周洪謨改北

十一月辛亥萬壽節免賀

壬子守備代州都指揮同知上禦邊三策禦寇在于練兵安


邊在于持重隄備在于屯重戍 上是之

癸丑工部員外郎劉子鍾為湖廣左叅政撫治荆襄漢陽等流民

巡撫陝西右副都御史項鍾請濬涇縣陂口鄭白二渠從之

丙辰令廣東令賀壽官各上平賊方略廣東右叅議王英按

察副使鄭彥譽請大征搗巢廣西右布政使熊鍊按察副使



袁凱言如之俱下兵部

復設京衛武學

陝西關內道改關西道易印

丁巳勅四川巡撫都御史汪浩勦寇

庚申南京右僉都御史高明奏請分別納馬明經監生錄用

從之

辛酉下犯天城總兵官彭武伯楊信追之不及

乙丑四川盜掠保寧及漢州什邡等縣

丙寅南京刑科給事中王徽上二事明刑罰以正朝綱鑿往

事以防後患俱罪太監牛玉臨上以其瀆謫徽普安州王淵

茂州朱寬潼川州李翱寧州李鈞綏德州俱判官

庚午戶科給事中童軒等還自四川言賊求撫挾詐決策用

兵從之

辛未都督僉事何洪擊德陽賊趙鐸于彰明賊遁追至梓潼

之朱家河陷陣死洪素敢勇嚴馭贈都督同知子節襲指揮

僉事都


甲戌進士王讓唐盛朱清陳接翁信為南京給事中

十二月庚辰朔 上省牲

國權

景泰八年

二天



壬午廣西總兵官泰寧侯陳涇巡撫兩廣右僉都御史吳禎
互訐遣刑部錦衣官廉其事

丙戌設榆林城軍站

丁亥延綏西路左叅將都指揮同知房能請搜河套除潛寇
以靖邊疆營移堡以固邊方製利器以破敵鋒事下兵部所
司議之

壬辰都督同知張欽以管兵七千往居庸關防候字來貢使
傳陞左正一孫道玉為真人給告身道士封賞自此始

甲午都督僉事李杲為靖上副將軍總兵官鎮守延綏


巡撫陝西右副都御史項忠言西安城中井益苦病民請穿
渠引龍首渠西入從之

丙申肅王瞻埒薨年五十七謚曰康

己亥順天府丞盧祥為右僉都御史巡撫延綏

庚子前江西左布政司吳潤卒武進人永樂勅徵書大典授
刑部主事歷守建昌姚安廣信雲南按察使誅土官普覺謀
叛者遷江西闕十二年誠信浹洽為方伯稱首

甲辰重定分俸例初京秩六品下支本色三之仍支兩京原
數至是始南京分給



乙巳進士閔珪楊琅胡深丁川李進劉餘慶傅寶姚綬鄭銘

監生劉城康永韶俱為監察御史


定西侯蔣琬鎮守甘肅

是年南京刑部郎中仁和項麒應詔言五事務正學納諫諍

崇節義遠近習弭天變尋病免家居二十年卒巡按御史唐

鳳儀以麒同褚遂良王琦為忠清里

西中蘇王親詔崇節義遠近習弭天變尋病免家居二十年卒巡按御史唐鳳儀以麒同褚遂良王琦為忠清里



國權

成化元年乙酉

正月巳酉朔 上御奉天殿受賀是日立春順天府尹進春致

詞云茲值紀元成化正旦逢春氣節會同天人交泰


夜大星色青白自左攝提流天市西垣

庚戌廷臣朝諸王于奉天門東廡


壬子廣西徭賊夜陷桂陽州殺千戶王鳳總兵李震等于臨

武縣擊斬二千餘級

國權 成化元年



國家圖書館, NATIONAL CENTRAL LIBRARY, TAIWAN, R.O.C.



釋戍邊陳循江淵俞士悅于冕王宗彝朱驥還其產

甲寅曉刻木星自內階東流至近濁

丙辰 上南郊

卜小王子及太師孛來入貢馬凡二千一百九十四人太監

葉達迎入京十之三

辛酉泗城土知州岑豹攻上林長官司殺土官岑志滅其族

奪印

癸亥昏刻月犯軒轅星宿大星自紫微流至近濁

甲子中府都督同知趙輔為征夷將軍總兵官右都督和厚

為游擊將軍浙江布政司左叅政韓雍為右僉都御史贊理

軍務征兩廣蠻太監盧陳宣監軍戶部右侍郎薛遠督餉

先是兩廣蠻久不靖大藤峽為數其峽有藤大如斗亘潯江

兩崖間諸蠻蟻渡如梁也地峻甚前桂平後象州右貴縣左

藤縣峽以北巢峒星列懸度猿引輒迷謬南則山小廉瘠諸

村依江路亦四塞諸徭好殺輕生悍見官吏通向化徭老結

城市豪曰招主自稱耕丁招主賂官左右漏師升峽巔四顧


數百里在睫得預備諺曰益有一升米莫泝藤峽水囊有一

百錢莫上府江舡其殘掠如此巡按御史王朝遠請擇謀勇

國權


景泰成化元年

二




將及威望大臣討之編修瓊山邱濬上李賢書曰兩廣蠻賊自總兵顏彪行師無律而我或始不振自其縱兵擄掠而民財始大絀自其殺平民為功而人心始日離賊徒始日盛今用兵之策大要有二曰逐曰困而已逐在廣困在廣西何東言廣東賊當逐也廣東故無賊皆來自廣西猛獐而居民從之使其盡反巢穴民無所從莫煽以變所以必逐也何言廣西賊當困也猛獐在峭巖險隘中雖官軍百萬亦無能一鼓直抵而盡殲之也所以必困也今廣東十府殘破者亦其地之相去遠者或至千里若逐之從一路則敵之與我彼此

相避必難成功必分為四路一自廣州三江口趨肇慶歷四會封川等縣泝流而上至藤江一自肇慶之新興過陽江抵高州界搗電白信宜出茂名化州由開道經岑溪等縣一自藤縣直泝北流江登陸由鬱林博白陸川出石城抵雷州復自雷州往廉州之靈山下橫州江一自廣州之連州經賀縣出平樂四路之兵俱會潯州窮搜極追且招且勸此逐策也廣西猛寇所在有之惟潯州大藤峽前臨河後抵柳慶左界昭梧右接邕貴中皆高山峻嶺惟其蓄積有限必資火種刀耕其盡田在山外若進兵屯守蹂其青苗使出不得擄掠退



不得耕耨斃之不過一二年耳春夏之交蠻地大瘴今欲進
兵宜以七月春夏退屯于潯州既秋復進軍士乃完此因策
也夫今日賊徒所以倍獲于昔者皆良民耳彼平居輸賦供
力養兵奉吏我保障賴之寇旦夕來焚蕩其室廬戕殺其親
屬入城則開不納入山又與賊遇不幸見擄姑且順從冀須
臾無死賊回而劫持虐用之行使負擔息使樵炊攻城則驅
以當矢石反奔則棄以委官軍民所僥倖不死心語曰我豈
從賊不得已耳他日賊平故可趨供賦役如平居忽聞大軍
之來喜若更生乃及既至真賊遁入深山不可得捕從賊者

盡甘心焉與言及此深可傷閔今之總帥宜戒宣前事召諭
父老子弟指誓天日使無疑顧出榜招徠許以自新或與殺
賊贖罪然後良民可使不為盜也而又除去總兵等官旗牌
及挽弓報效等項以絕其駟騷加意撫綏廣州以固其根本
諭服順之士官使聽調遣厚加犒賞所得賊財盡以予之以
結其心嚴私鹽之禁以為賞勞之資以足其欲被擄軍民自
賊來者或知其情勢俾為嚮導以借其力有欲執仇者編為
義兵隨軍調遣以壯其氣如是而賊不破者未之有也賢善
濬策以奏聞 上嘉納之命錄示總兵巡撫初兵部尚書王



竑薦韓雍文武才可將雍方新得罪衆難之竑曰聖天子方
棄瑕即瑜疑雍罪不當乃竑不以廢罪耶議遂決闡外事一
聽雍節制勅將士得自署置監司而下不用命者輒以軍法
論朕不中制

己丑北使臣字羅赤等六百六十餘人入朝增門禁侍衛

丙寅漕運叅將楊茂為前府署都督僉事漕運總兵官

戊辰西域烏思藏哈密等國來貢

己巳曉刻月犯氐宿


國子監助教李伸上五事明從祀之典子不先父食顏路曾

點孔鯉宜侑啟聖王廟罷公伯寮荀况馬融杜預王弼進劉
因許謙曰嚴學校之職曰承襲之亂曰廢大臣之子孫曰
益小吏之俸命行之

辛未兵部尚書王竑上兩廣勦賊事宜俱納之

寧遠伯任禮卒禮臨潼人從靖難累功至左都督正統戊午
進封卒伍雖不知書頗自守賜祭葬贈寧遠侯賜謚僖武

刑部主事馮俊言臣生長廣西深識夷情國初立田州泗城
等土官世職遇警從征懷德畏威今流官兼攝故反側靡常
趙輔南征事平之後宜招撫餘逆或附近土官或別立長官



司世襲 上納之

甲戌勅御史汪霖劉慶約東南征蕃漢諸軍毋竄功騷擾
夜大星自紫微垣西蕃流至天棊二小星隨之

乙亥改吳楨止巡撫廣西兼提督軍務

祠故汀州推官王得仁于汀州

故右都御史李實自陳奉使功求官許冠帶閑住

丁丑起復程信兵部右侍郎沈義工部右侍郎大理寺右少

卿董方為刑部右侍郎

懷柔伯施榮卒

閏二月辛巳北上小王子脫思可汗與字來求報使不許答詔

曰朕嗣 祖宗大統政事悉遵 太祖高皇帝成憲今爾欲

中國遣使洪武無例正統中雖嘗遣使反失好和天順初非

不遣使擾邊如故 英宗皇帝悔不復遣朕不敢有違蓋欲

和好久遠非有他故其亮之

壬午弗提衛都督察阿奴奏進海東青 上以野禽啟獵卻之

岷世子膺鉞以武岡淺隘求遷長沙不許


癸未金星晝見

乙酉上首字來為三衛求增賞勅曰國家待四夷輕重有等

國權

成化元年

六



成憲具存三衛違貢道貢由喜峰去年附北來朝舍東而西無誅為幸其又何厚焉

己丑御史趙啟訟故少保于謙之寃上素聞之亟議卹

壬辰先是延綏總兵官都督張傑上安邊方略七事曰延綏慶陽廣袤千里甚宜耕牧須增營堡今東西營堡二十五各不過一二百人何以應敵府谷縣處極東西距諸營八百餘里猝難援也可簡卒九千分六哨列府谷神木龍州榆林高堡安邊足相援應又延安極邊鄜州定邊慶陽俱內屬遇警不即達下寇邊堡道延安膚施甘泉等縣後至鄜慶乞調鄜

慶防秋二千餘人戍沿邊要害餘六事亦行陣攻守之策請鎮巡擇議從之

甲午上祭先農躬籍田

丁酉李來寇遼河總兵武安侯鄭宏追至長同山擊斬五級俘十人

骨鹿惡市等番屢寇松潘副總兵都督僉事盧能叅將周貴等敗之斬二百餘級


戊戌加賜齊廢人賢煠薪米

己亥翰林檢討劉誠趙銳為秀府左右長史

國權

成化元年

七



遣文武大臣祭告 祖陵皇陵孝陵秦愍王等墓及歷代帝

王先師陵廟嶽鎮海瀆諸神

夜東方流星光如碗流至雲中

辛丑都督同知芮成總兵鎮守四川

癸卯夜火星犯天籥東北星

甲辰守制翰林脩撰陳鑑力辭寶錄之召許之

乙巳勅兵部尚書王竑簡閱十二營

責川廣鎮守撫綏按三司失事俱充為事官停俸圖贖

丙午命四川招漢州盜趙鐸等來降善撫之復業給居食免

其徭

三月戊申朔、字來構朶顏三衛苦堆等九萬騎入遼河總兵

官武安侯鄭宏等禦之俘十一人斬五級

廣東按察副使毛吉討賊于陽江之雲岫山敗之逐北深入

其營賊殺我指揮闔華師遂潰毛吉死之

楊守陳曰嗚呼兩廣之苦一何酷耶自昔任邊事者賊至

偽不聞且亦不戰、亦不力甚者十餘賊驅婦女數百過


城下亦莫肯以一矢相加遺人以告則諾筮之賊去乃始


耀兵入虛落殺掠齊民以為功王師南征猶踵其故智權

國權

成化元年

八





貴右之濫封溢賞不吝也朝奏捷夕告急不諱也臨城棄師

失律之將不侈也非誨之縱賊殘民耶亦無異乎毒之酷

矣獨一宗吉如兩廣何人孰不死而宗吉聲光將與日星

照終古彼偷生幸富貴者竟何如哉

已酉太子少保吏部尚書王翱進太子太保吏部左侍郎兼

翰林學士陳文為禮部尚書兼秩如故

庚戌叙州府山都掌等蠻分掠江安等縣永寧等衛命捕之

壬子韓府漢陰王徵銀亮年十七謚恭懷

國子監學錄黃明善上平蠻三策竄徙隣境以離其黨分屬

漢夷以別其類地接永寧割隸永寧地接芒部割隸芒部據

險固守以待其斃

自納溪登岸至永寧自永樂寧至芒部斷其後使無可逃彼不敢下山求食半年皆

餓殍下兵部及鎮巡議之

癸丑翰林脩撰曹思為尚寶司少卿童緣為右春坊右諭德

編脩邱濬為侍講檢討邢讓為脩撰

故事脩撰秩滿陞侍讀侍講至是脩撰王獻秩

將滿求李賢為已地故有是命後遂為例

河南布政使王恕為右副都御史撫治南陽荆襄流民初鄖

陽介湖廣河南陝西間國初鄧愈斥其地虛無人然地多


山險流民萃焉既贅聚自相雄長天順初錦衣衛正千戶涿

州楊英使河南見流民策其不早制必亂宜選良吏賑飢漸圖所以散之願占籍者聽盜礦者宜絕外民與通不得食勢自不可久歸上書不報後副使鄧本端追訟英先見謂一言可當十萬師比于茂陵徐福

甲寅巡撫湖廣右僉都御史王儉奏禁約內外鎮守等官置田肆占牧卒有旨田牧不必禁餘從之
丁巳上視太學始加牲用樂停祭酒官以下宴止宴行聖公三氏子孫于禮部

蔡復賞曰釋菜比釋奠為最簡不酌鬯不列饌不作樂不授器我太宗躬謁先師行釋菜禮至憲宗則行釋奠何若是其不同乎伏覩太祖嘗諭禮部曰祭享之禮載牲贄帛交于神明不費出已帑神必歆之由是言之如庶人陌錢辦香皆可格神由是言之則釋奠釋菜惟在于致力之何如而不在于物之詳畧也

戊午翰林侍讀周洪謨以山都掌蠻屢叛地不過二百里寨不過百餘乞鎮巡監司親至其地擇寨主服眾者立為長官司統各寨夷人仍隸叙州其戎縣流官專轄漢民下兵部議聞行下四川巡撫汪浩都督芮成諭諸蠻設官之意諸蠻大



悅詣叙州見成具馬二十七匹貢謝成勞以布令還戎縣以
俟尋報江浩議設都掌箐前大壩三長官司令諸夷日擇首
領三人把事協贊三十四人疏上議鑄印
巳巳南兵前府都督同知范雄卒祀縣人襲錦衣指揮僉事
癸亥月食

甲子御史陳政為山東按察副使仍提督北畿學校
丙寅作奉承天門
丁卯謫延綏總兵官都督僉事張傑成遣巡撫右僉都御史
徐廷章下獄罰贖還職停歲俸蓋刑部郎中羅淮錦衣千戶

趙瑾勘報也

琉球王尚德入貢

戊辰進士楊智監生王臣陳瑄為南京監察御史

巳巳左春坊左庶子兼翰林侍講王僎為南京翰林學士

庚午覈天下屯田額

四月丁丑朔夜大星出犯漸臺流雲中

減曲阜孔氏田租三分之一


戊寅城宜章縣

前巡撫河南右副都御史馬謹卒新樂人宣德初進士授御

國權

成化元年

十一



史以廉介稱

壬午鴻臚寺卿大同齊政致仕監生選鴻臚寺序班至是年

七十七

癸未翰林編脩李本為侍讀

甲申鈞州地震有聲至己亥止

丁亥巡撫陝西右副都御史項忠請在外六品以下官犯罪聽訊巡按御史按察使餘不得擅攝從之著為令


戊子錦衣衛帶俸都指揮僉事李珍使哈密并勅赤斤蒙古沙州三衛初哈密王母請擇安定衛阿兒察王之弟嗣忠順

王後至是以巴失里聞故命珍迎至

庚寅定京衛武學規則

兵部尚書王竑等推翰林脩撰岳正可兵部右侍郎禮科都給事中張寧可僉都御史清理武選貼黃上以會舉多徇私不允清黃令侍郎王復都御史林聰調岳正張寧外任于是陞正興化知府寧汀州知府蓋李賢託歷練外之

馬晉允曰李文達賢相也其立朝興利去弊竭志盡誠多可嘉者獨其斥張寧沮葉盛不救王徽王淵不用岳正遂使直道不合于時正士不究其用君子訕焉豈報復忌能



袁襄曰張公以敢諫受知英宗竟不得柄用一麾出守

未完厥施夫才者造物之所忌也豈惟人哉

卜脫犯邊擒至京磔之

大雨雹傷稼

辛卯改徐章仍巡撫甘肅

壬辰四川巡撫都御史汪浩等請益兵討趙鐸兵部議襄城

伯李瑾總兵寧遠衛指揮同知韓斌為署都指揮僉事參將

以京達軍往有旨留瑾

癸巳刑部左侍郎周瑄為右都御史總督南京糧儲

巡視四川戶科給事中童軒前冠情失事下獄

乙未廣義伯吳琮為征夷將軍總兵官同參理軍務右僉都

御史吳琛參將署都指揮僉事韓斌征四川寇

丁酉巡撫陝西右副都御史項忠奏城西安臨洮鞏昌鳳翔


時歲飢故興役食其民

巳亥盜掠英德等縣

庚子傳制封見濟趙王均鈺楚王均鈺東安王奇溶河中王

音逆岷王均鈺以東安王進封

丙午翰林侍讀周洪謨上四川勦賊方略曰阻絕路徑曰先



勦賊黨曰固守重地曰廣募土兵曰多用利器曰密行反間
上納之

五月戊申脩汲縣比干廟致祭

增戶部四川湖廣貴州廣西司主事刑部四川廣西司主事
各一

已酉復倪謙翰林學士開任

癸丑報大藤峽賊陷南平縣殺典史周誠

甲寅命皇陵祠祭署汪氏世奉祀劉氏世祀丞俱國初汪

文劉英子孫

六丁巳妖人寧夏趙春景州張仲威伏誅時嚴左道邏校例官

賞始易犯

戊午夜火星留斗宿

辛酉大雨雹

壬戌勅廷臣脩省

甲子四川盜趙鐸伏誅鐸陽人賂縣官求陰陽訓迷術久

德

不遂資聲或誣其匿盜捕之亟乃叛屢救屢寇至是戰敗走


彰明梓潼叅將周貴大破之千戶田儀斬鐸于石子嶺或云


龍州土兵殺鐸不之識也儀詔取其首重可十八斤

國權

成化元年

十四





乙丑罷征蜀兵召廣義伯吳琮右僉都御史吳琛入朝

丙寅增西安府同知完糧

丁卯任壽嗣寧遠伯任禮子

己巳夜火星退犯斗宿魁四星

庚午總督漕運右副都御史陳泰請修高郵湖堤袤三十里

上從之

夜大星隆、有聲流雲中

辛未前府都督僉事牟林卒林濰縣人世大嵩衛百戶

六月丁丑朔德王婚武城後衛千戶劉忠女忠女

戊寅鎮守寧夏總兵官張泰致仕

淮安大水傷稼

己卯定光祿寺歲牲毋過十萬粟毋粘粟

延綏總兵官都督僉事李杲改征西將軍總兵官鎮守寧夏

左叅將都指揮同知房能為靖下副將軍總兵官鎮守延綏

庚辰宣府風電傷稼

癸未進士毛志鄧山張鐸吳楨王銓梁璟蕭彥莊王詔為給

事中

甲申監察御史張黼等以戶部議增河南山東湖廣陝西叅

國權

成化元年

十五

政參議各府同知畿郡亦如之專撫民裁桑棗夫生一事不
如省一事興一利不如除一害乞寢其議從之

丁亥行聖公孔弘緒來朝謝

癸巳西安多風雷雨雹傷稼

朵顏衛右都督朵羅千入貢求帳房鉄斧非例不許

乙未吏部尚書王翱乞休不允免朔望朝參

丁酉施鑑嗣懷柔伯

施聚子

庚子奪太平侯張瑾興濟伯楊琮爵降瑾錦衣指揮使琮指

揮同知

辛丑廣西永康縣土官楊雄傑作亂陷宣化縣

總督兩廣軍務韓雍至南京會趙輔和勇等合兵十六萬或

請分部戡賊入廣西可破雍曰否古仗鉞臨戎制閩外謂

利國家得專之也大兵有合為正分為奇兩廣地鮮完大藤


峽為賊藪本也諸軍不先薄其本乃分兵以趨末分兵勢弱

趨末難盡我全師至彼南可以破大藤援高雷廉東可以應

南韶西可以取柳慶北可以斷南陽峒諸路勢若常山蛇首

尾互應彼分而拒我聚而攻志曰先人有奪人之心茲行也

必勝我奪之矣遂行趙輔以雍才軍事一聽雍



是月大雨水壞山海關永平薊州遵化等城堡斥堠漂溺人畜甲仗無算

七月丁未都督僉事李震復總兵鎮守湖廣貴州

城江西安遠縣

戊申瓜哇國入貢


已酉免天下軍衛屯糧十之三

設四川陵水隣水樂至東鄉資陽縣分隸順慶潼川夔州

庚戌釋戶科都給事中重軒謫壽昌知縣

辛亥故廣東按察副使餘姚毛吉贈廣東按察使海康知縣

王麒贈雷州同知駟丞秦瑄贈雷州府知事毛吉景泰進進士授刑部主事忤錦衣指揮門達嘗疾夫朝下獄達痛杖之幸不死其操愈厲進廣東潮惠兵備僉事懲豪鋏逆改巡海北道盜熾甚志在芟夷率王麒擊賊敗之進副使麒雷州通判以援新會縣敗死雲岫山麒雲南太和人貢士年四十四方吉出師有餉千金已費十之三主吏余文憫吉死竟移授其蒼頭為賄俄婢狂語坐中堂言動一如吉速按察使夏瑱至日吉受國恩不幸死于賊分也主藏私餉我雖無籍吉不能汚地下也語訖婢仆地而蘇吉子科麒從子昭俱錄太學



科登進士任提學副使成化未請謚曰忠襄
泰和守制御史康驥居家多不法鄉人劾奏逮下獄
丁巳詔疏錢法凡商稅鈔一貫折錢四文
魏縣人李堂等自宮求進下錦衣獄發南苑
戊午趙府襄邑王祁銍薨年三十三謚恭定
己未大理寺卿王槩請禁越訴代訟從之
庚申撫治南陽荆襄右副都御史王恕賑飢
辛酉監察御史李志剛言龍南縣監生廖世傑燬流賊百十
餘宜褒錄許之

甲子勅南畿浙江河南撫按賑饑
丙寅定各邊城堡軍馬圖冊三歲一報
己巳撫治南陽荆襄右副都御史王恕內艱許奔喪已請終
制不允


壬申南京中府都督僉事趙綸卒大興人世龍江左衛指揮使
癸酉火星犯斗宿魁第四星

犯天城瓦窰口守備右少監劉安都指揮僉事孫泰參將
都指揮僉事鄭俊追下敗績命逮劉安孫泰鄭俊及指揮王
黼百戶葛誠下錦衣獄勅責鎮守太監王春總兵官彰武伯

國權

成化元年

大



楊信都督僉事張鵬巡撫都御史王越

八月丁丑工部右侍郎沈義右僉都御史吳琛巡視民瘼義往

保定真定琛往淮揚

戊寅災傷停戶口蓋鈔通課

辛巳瘞兩畿浙江河南飢馘

壬午監察御史趙啟上二事曰草詐冒恩詔五品上進階一

級今正五品束金帶正四品花金帶正三品犀帶正二品玉

帶指揮使自稱都指揮僉事詐冒若此宜禁曰禁奸頑文武

官犯罪多逃匿僥倖恩宥俾証佐淹繫奸頑若此宜禁有旨

進階止易服色逃官即奪秩著為令

南京兵部尚書蕭維禎疾去

甲申右都御史李賓為南京兵部尚書

丙戌知縣白行中為廣東道御史

許都督僉事周壽河間田四百四十八頃

大赤星流至近濁三小星隨之

丁亥提督廣西軍務右僉都御史吳禎報斬賊三千一百七


十四級時賊熾懼罪積先後斬獲覲功下兵部不報

己丑即墨人于旺等自宮求進下錦衣衛戍貴州

國權

成化元年

九



庚寅入河套突犯延綏總兵官房能等追至席把都川斬

十二級

辛卯文思院副使李景華陳敷任傑傳陞中書舍人俱黃內

侍躡進

丙申安南國王黎灝遣使入唁 裕陵且表賀登極又奏保

樂州被掠事蓋鎮安土知府岑祖德爭地也

巳亥沐琮嗣黔國公

沐斌子

暫停鳳陽淮揚安慶徐滁和馬課

脩山海等關隘

庚子通州大雨水

辛丑庶吉士李東陽倪岳謝鐸焦芳陳音為編脩吳希賢為

檢討劉淳為中書舍人仍譯字張敷華等為各部主事

夜月犯軒轅南第五星

癸卯玉牒成

甲辰兩畿河南山西湖廣江西浙江各奏郡縣水患百有四

十餘所詔戶部覈實


九月丙午浙江提督市舶福任多不法寧波知府張瓚稍裁之

兩相劾下布按罪在住宿之

國權

成化元年

二十



癸丑寧夏馬少給給益引四十萬易馬

甲寅崇王


已未兵部尚書王竑引疾去

壬戌封偕克廣安王恩錢枝江王同鏐沈邱王同鎮內鄉王

任墳襄垣王

巡撫陝西右副都御史項忠上三事曰為治莫要于求賢得人莫嚴于考課近考察官吏不才既斥而才未見旌漢宣帝時二千石有治理壘書勉勵增秩賜金唐太宗疏刺史名于屏風下注官蹟備黜陟故致治之美光耀史冊乞勅吏部于

撫按請旌異者量為擢用或給勅勉諭庶賢否不溷曰至重者將也至危者兵也昔之遣將分之以閩誓莫干也授之以鉞俾專斷也將之統兵若驅群羊而莫知所之若決積水于千仞之谿然後得以建功今陝西邊帥遇敵逗遛無不肯前雖智勇未逮蓋亦委任有不專焉况鋒鏑交于原野機會變于斯須呼吸之間有生有死若不軍法從事孰肯輕生以禦敵哉今吏卒但畏敵不畏總兵之號令總兵之權輕也使畏總兵甚于畏敵進有可生退有必死則人心豈有不奮而敵豈有不克者宜勅各邊總兵後有大敵軍中如違令悉軍法




從事庶成功可必曰國家詔舉將才年餘矣騎射之間尚無
一人應詔况才堪大將者乎且陝西風土強勁郭子儀李晟
輩皆由此出而弓馬閑習膂力過人不可謂無但拘于荅策
之難不能進也自昔屠狗販繒皆能建立大功亦不拘荅策
若專執此恐終不能用人也命即行之
戊辰定烏思藏番僧三年一貢初宣德正統間貢僅三四十
人景泰時至三百人天順時且二三千人故禮部請降勅諭
從之

祠宋儒楊時于延平侑祀羅從彥李侗時蕭山人求祀時孔
廟大學士李賢學士劉定之等議時論西銘程子謂未釋然
解中庸朱子多辨其非晚從蔡京之召無大建明遂祀之于
鄉里

己巳裁寧夏河渠提舉司
辛未巡撫陝西右副都御史項忠以陝西終南山河南盧氏
永寧等俱有銀礦煤盜宜禁採從之
壬申項忠又請稅茶易馬迺戶罷徵從之
癸酉漕船帶貨免稅

韓雍趙輔等至全州以陽峒西延苗賊梗道擊平之指揮李




英等失律斬以狗吏卒不寒而栗又脩仁荔浦賊為藤峽翼
先剪之分五道入窮追至力山斬七千三百餘級俘千二百
餘人雍問潯州父老藤峽當云何咸曰天險也重岩密箐人
不旋踵且瘴甚土人不能得要領賊聞討之益自備不若屯
兵圍而徐斃之雍曰否山峽山峽遼遠紛披錯雜六百餘里安
能圍也且歷時能無變乎今聲勢大振吾豈留此窮寇使復
蔓哉遂兵向峽有儒生里老百十輩道迎訴賊苦今幸甚願
為三軍鋒雍大怒叱曰賊耳收斬之左右頗疑駭及得所袖
利刃又服雍之神

四川巡撫汪浩平趙鐸還成都戎縣人不利土官者詆都督
芮成招山都掌酋俱梟雄可慮宜乘機誅之浩不察遂至戎
縣諸酋迎謁入營伏甲責數之殺二百七十餘人芮成聞之
怒然不欲自異竟合奏夷始降終離斬獲若干而餘蠻忿甚
忽報復亂

十月戊寅吏科都給事中沈瑤等言學正教諭必會試乙榜訓
導限年五十以下方就試從之著為令

庚辰許覲錄嗣弋陽王故弋陽王奠璫罪死子覲錄久未封
以罰弗及嗣許襲



廣西大藤峽賊夜入藤縣劫印

辛巳錄平趙鐸功都知監右少監閻禮為太監右僉都御史汪浩為左僉都御史叅將都指揮使周貴為署都督僉事仍叅將

甲申命諸司奏覆毋越五日

丙戌限哈密貢使不得過二百人乚加思蘭五十人土魯番亦力把力等國貢或三年五年道哈密人同入不得過十人時哈密破殘流人附貢輒千百糜廩廩庚寅戶部言景泰末宣府總督邊儲都御史李秉以餘卒耕

墾荒給牛種收糧易馬今巡撫宣府都御史葉盛傲之然立法非難守法為難乞申飭守臣久而不廢報可直闕奏錄入免河間萬粟九百十八石有奇

辛卯右都御史陳泰致仕壬辰兵部右侍郎王復為尚書右侍郎程信為左侍郎

丙申嚴寒特賜京營兵及皇城軍衣履辛丑禮部右侍郎彭時加兵部尚書


故昌平侯楊洪孫珍授京衛指揮使

壬寅荆襄盜起西華流民劉通有膂力嘗舉石獅千斤眾稱

國權

成化元年

二十四



之糾眾自房縣至南漳數百里恣攻掠初劫鄧州李氏以
豪聞云縣官不我捕且入秦縣捕之急通遂叛襄漢之間無
寧日
山都掌蠻赴貴州詐降都指揮丁寶等迎之入伏官軍五人
人皆沒

十一月乙巳朔四川巡撫汪浩等聞黔禍夜奔長寧迷道人馬
墜溪谷死甚眾蠻賊近我不及乃攻長寧三日呼于城下曰
是爾用侍讀使都御史誘殺吾父兄誓屠此城道聞戎縣人
劫其巢乃解去自是鋒日銳貴州兵屯金鵝池四川兵屯戎

縣俱堅壁不出蠻循江之南直抵江安納溪合江焚掠無虛
日屠江安賈家砦五百餘人縣官告于浩怒曰吾方報捷
豈又有賊耶極之凡死寶錄謂乙巳朔四川官攻大壩等賊
大敗之

丁未南京刑部右侍郎廖莊入朝改左侍郎
辛夷廣西叛獠夜入廉州高州劫印
入柴閔整又掠黃甫川毛里狹擁眾屯四柳樹木瓜園


甲寅給孔顏孟三氏學印

丙辰免鳳陽廬揚田租

國權

成化元年

二十五



丁巳巡撫應天右副都御史劉收為南京刑部尚書湖廣右
布政使孫傑為右副都御史巡撫應天蘇松

連山知縣孔鏞試高州知府別給印

已未沁水知縣陳奎以廉能聞薦擢澤州知州

設遷曰奎起甲科累薦始拜刺史今進士釋褐得州輒邑
邑不樂視若畏途何前後人相懸之如此噫可以觀世矣

庚申後府都督同知李鐸使諭朵顏三衛歸獻馬卻之鐸奏
勅責三衛泰寧酋兀南帖木兒等犯邊乃迤北毛里孩等來
相仇殺故所部零竊朵顏衛都督朵羅干獵開平福餘衛頭


目可台就食海西我勅致之兵部劾鐸獎諭朵羅干可台
上宥之

辛酉寧遠伯任壽總兵鎮守陝西

癸亥左府右都督過興鎮守廣西還道祁陽怒知縣李翰失
候令子得隆筆翰及其子釗俱死興尋道卒翰妻訴于朝得
隆伏罪其母擊登聞鼓稱冤不聽即誅得隆

甲子臨安府同知劉文復吏部驗封司郎中仍提督四夷館
譯書初冒迎駕功進右通政石亨敗調外

乙丑承天門成



免池州等蘆役採辦一年

夜月犯太微垣上將星

癸酉進士何恂監生張駿戴曦沈瑜李應禎為中書舍人
十二月乙亥翰林侍讀周洪謨為侍讀學士

丙子曉刺金星犯錠閉星

泰寧等衛右都督劉玉兀南帖木兒乞邊地市牛隻農具許
之求蟒衣不許

四川總兵官都督同知芮成報破西垂阿哥硬等賊寨今進
討琪縣山都掌蠻

丁丑南京大理寺卿龔永吉致仕永吉由國子生授兵部主
事進郎中正統丙辰罪戍平涼尚書王驥錄之復官超大理
右少卿歷兵禮部右侍郎改南寺年七十卒非有它才得王
驥引拔致通顯

戊寅四川總兵官芮成等與貴州副總兵李安等互訐命兵
科給事中秦崇等按之


己卯卜寇延綏命大同總兵彰武伯楊信率萬騎寧夏總兵
都督僉事率五千騎都督僉事王瑛寧遠伯壬壽右副

都御史項忠率萬人各赴之仍信總制

國權

成化元年

二十七



昏刻月犯壘壁陣東第四星

庚辰福建按察使馬文升為南京大理寺卿

癸未勅戶部主事王臣徐源整陝西餉

乙酉翰林侍讀李本戶部郎中陳俊為南京太常寺少卿

戊子守備涼州都指揮使王英湛清俱莊浪功為都督僉事

卜臨水渡河大掠河曲指揮楊哲禦之失利入黃甫川堡被

圍三日都指揮僉事錢能援之而敗

壬辰會昌侯孫繼宗定襄伯郭登撫寧伯朱永尚書姚夔分

郊社禱雪

癸巳夜月犯右執法星

乙未進士劉俊陳宏趙勝聶友良溫宗柳彰洪性石玉袁晟

張璉監生邊鏞為監察御史

已亥南京右府都督僉事詹忠卒

庚子貴州左布政使李浩為右副都御史巡撫貴州

永寧衛指揮同知安琦戰死命寶孫暉為都指揮僉事

容城縣祠元儒劉回初以助教李伸言下廷議同宋儒楊時


祀于鄉

癸卯撫寧侯朱永為靖江將軍總兵官都督同知喜住都督

國權

成化元年


二十八



鮑政為左右參將以京營山東操卒萬五人往討荆襄盜
太監唐慎右少監林貴奉監軍工部尚書白圭提督軍務
貴州都指揮使張銳郭貴為右府署都督僉事帶俸
韓雍乘勝入峽分十五萬二千人為左右二軍以隸十三將
軍身駐高振嶺夾攻之破焚其柵賊遁入桂州橫石寺塘九
層樓雍麾死士斧山開徑焚其柵生擒侯大狗等七百八十
餘人斬三千三百餘級斷其大藤名斷藤峽猛獠列刀矛雍
初調胡騎千人諸短兵不能當騎射狄青破儂志高亦以番
落騎兵取勝即此策也

田汝成曰自予涉嶺右按圖牒詢父老躬覽山川然後知
稍、破賊之略也大抵藤峽府江相為表裏然治藤峽宜
速而江府宜緩速則賊無所逃緩則可得要領蓋藤峽前
阻重江後臨大野面勢雖迂猶可邏逼故曰宜速至于府
江上起陽朔下抵蒼梧遼繞三百餘里萬山叅錯草樹叒
迷一有警即狼竄麋遁無復踪跡故曰宜緩至于調發土
官往、方命不受節制賊未及平而所過良民已遭荼毒
為時通患大抵皆吾輩取之也


高岱曰趙克國不用辛武賢決征之策而屯田以困先零



韓雍則不用諸將久困之謀而深入以破藤峽此地利夷
情有同事而異形者固不可執一論也

韓雍則不用諸將久困之謀而深入以破藤峽此地利夷
情有同事而異形者固不可執一論也

國家圖書館 NATIONAL CENTRAL LIBRARY, TAIWAN, R.O.C.



國權

成化二年丙戌

正月甲辰朔卜三萬騎近屯安邊營勅各鎮嚴備

辰刺日暈左右珥色黃赤

丙午犯花馬池寧夏總兵官都督僉事李杲等拒之七日

斬十三級俘十六人

丁未大學士李賢請撫諭荆襄流民從之

戊申昏刻月犯外屏星


國權

成化二年

一

國家圖書館, NATIONAL CENTRAL LIBRARY, TAIWAN, R.O.C.

益官設遷孺木著



復三大營舊制令給事中御史巡視

已酉命巡撫貴州右副都御史李浩副總兵李安會討山都掌蠻

少詹事孔公恂言兵事請留撫寧伯朱永別選將科道以阻師下臺獄降漢陽知府蓋諸將以公恂獨推永諱然不平故被劾

撫寧伯朱永至南漳疾不任戰尚書白圭太監唐慎都督僉事李震左僉都御史王儉自南漳進潭頭坪少監林貴奉自安遂進良馬坪都督喜信都指揮王信自房縣進右都御史王恕都指揮劉清自穀城進劉通移壽陽官兵截其奔路通退保大市


湖廣總兵官都督僉事李震奏征荆襄賊隘門閔大木廠分水嶺梯兒崖戰屢捷震追及馬腦関梅溪失利都指揮陳昇等紀者三十八人

庚戌月犯天陰下星

辛亥武功左衛帶俸都指揮僉事王信為後軍署都督僉事

鎮守山西

太僕寺少卿李侃為右僉都御史巡撫山西



壬子部院太計罷降斥千七百八人

癸丑夜大星自雲中流至近濁

甲寅下寇慶陽環縣

乙卯 上南郊

丙長湖廣貴州總兵官都督僉事李震專鎮湖廣

辛酉 英宗睿皇帝主祔廟

壬戌 皇長子 生母萬氏

癸亥山東布按官分筦遼東餉歲更至是定期三年

定襄伯鄭登上言增騎兵整步伍舉將才去奸民 上納之

乙丑丹陽削籍典史孟浩妄造妖言誣人伏誅

丁卯曉刺金星犯牛宿

禮部條禮闈事宜供給屬順天尹至是改禮部司官提督

己巳會舉布按二司官

荆襄用兵亟餉開輸納例

二月癸酉朔闕里孔廟成 上自記之

乙亥進士譚慶費臻馮貫監生左鈺胡靖呂史為監察御史


丁丑下犯寧夏韋州掠苑馬寺馬三百餘匹

戊寅下 騎掠環縣都指揮林盛斬走之斬九級

國權

成化二年

三



己卯太常寺少卿兼翰林院侍讀學士劉定之學士萬安主
禮闈

庚辰大學士李賢請精選守令從之

辛巳定納荳贖罪資馬

癸未禮部左侍郎鄒幹巡視北畿民瘼

廣西總兵官泰寧侯陳溼提督軍務右僉都御史吳禎俱玩
寇下獄

乙酉夜月犯軒轅南第五星

己丑卜犯保德州致仕巡檢倡衆三百餘人追斬一級

庚寅盜劫安吉寧國

辛卯巡視順天工部右侍郎沈義奢僭不法下獄削籍

壬辰禮闈首科廣額三百五十人

癸巳減徐淮中盜則例


昏刺火星犯天陰下星

甲午都指揮田廣擊劉通于鴈坪追至石路山明日合諸將
攻之斬偽通子劉聰偽都司苗虎等百餘人追至枚夔山
丙申湖廣總兵官李攻其右喜信王信等攻其左鮑政衝
中堅劉清等帥其後冒險深入大敗之斬二千五百六十

國權

成化二年

四



餘級擒劉通等二千五百七十餘人獲賊屬萬一千六百餘人畜產萬計初指揮張英誘降劉喜諸將忌英功譖于朱永謂獲賊賄捶殺之

丁酉南中護衛軍餘杜貴誣唐王瓊烜奸謀不法戍廣西辛丑裁漕十萬石賑淮徐


三月壬寅朔廷策貢士章懋等三百五十人賜羅倫程敏政等進士及等第出身有差甲辰周府永寧王有光薨年七十四謚靖僖已酉大學士李賢憂去令塋訖入朝乞終制不許

辛亥冊貴妃萬氏賢妃柏氏

減京官折俸鈔舊俸一石折鈔二十五貫後定十五貫至是裁其五時鈔日輕每貫不過十錢舊鈔僅一二錢下吏祿薄無以養廉

復南京官吏戶口食鹽之半

乙卯選庶吉士林瀚劉鈺章懋李傑翟瑛陸瀟之黃仲昭謝天祥李溶誥畢瑜宋應奎邵有良高良臣鄭巳張純章鑑何純蒞景晟王俊石淮施純王韋太常少卿兼學士劉定人學士柯潛教習



丁巳許進士觀政還里各半之

八人

翰林脩撰黎淳為左春坊左諭德

已未前太常少卿署尚寶司事蹇英卒少師蹇義之子

延綏紀功兵部郎中楊瑒言延綏慶陽東距偏頭關西距寧

夏池花馬池袤二千里營戍少致套下為患有百戶朱長年七

十餘嘗游河套言套中廣腴民多出望堠外耕食正統間寧

夏副總兵黃鑑奏偏頭關東勝關河西岸榆溝至寧夏黑山

嘴馬營計立城堡十七介堆七十三東西七百餘里實與偏

頭關寧夏相接惟隔黃河耳時以其地平漫寢之石亨又欲

移延綏營堡從直道府谷堡移于柴關故城關故孤山東村

二堡移于野蘆川神木堡移于楊家城栢林高家二堡移于


石落澗雙山堡移于真溪灘榆木城移于樺林白澗灘响水

波羅二堡移于白土窯土門堡移于白蠟峰大兔鷲堡移于

滹崇關龍州城移于北城塞門堡移于古窯清遠營移于薊

河寧塞營移于察罕腦兒直與安邊定邊相對前二策不行

至今貽患臣貞之土人云此雖暫勞實永利也下兵部議



薛應旂曰嘗歷延綏慶陽往復于偏頭關花馬池二千里
間凡諸營堡皆為稽考詢之將官及諸故老猶能記憶楊
琚之策且曰曾銑幾于復套其計蓋不出此惜乎垂成而
殺身也

庚申夜月犯房宿

癸亥進士曹卿林璧薛綱金忠余諒監生戴琥張備陳燮貢
璧葉茂為監察御史

停民生納粟入監許度僧牒賑飢

改汝寧南陽兵備曰汝南道

甲子前軍都督李德卒許州人從靖難功

丁卯忠勇前衛署指揮僉事湯胤勳為署都指揮僉事右叅
將分守延綏東路

辛未卯刻白氣衝三丈餘亘天


巡撫延綏右僉都御史盧祥言營堡兵少延安慶陽邊民多
驍勇敢鬥選為土兵各護其家當用命兵部覆從之綏德葭
寧州共得五千餘人量免戶租

嚴從簡曰土兵之法不但可行于延綏若九邊行之則邊
民不困于賦役而心皆內向無復北走之人卜雖欲人誰

國權

成化二年

七



為嚮導此寶久安長治之至計竟無有申明此意者延緩
此法亦就廢弛而各邊多事兵力財賦日不暇給矣安得
如盧祥者當事而力主此議也

閏三月壬申朔順德知縣錢溥復翰林侍講學士

曉刺大星自郎位流至濁

癸酉賑鳳陽淮安徐州飢

湖廣靖州銅鼓五開武岡等苗作亂勅總兵官李震討之

夜流星自亢宿行入天市垣三小星隨之

已亥琉球入貢

丁亥巡視淮揚民瘼右僉都御史吳琛貪虐下獄命巡撫准

安右都御史林聰代琛

戊子兵部言延安知府王鑑言神木府谷等縣堡以至安邊

定邊等營寨相去千餘里撫按分巡鮮至其地邊卒為官旗


侵蝕虐使衣食不給戰馬未暇飼器械未得整豈能禦卜乞

令撫按分巡時常行邊禁革奸弊詔可

夜月犯心宿大星

辛卯湖廣按察使羅篋為右副都御史巡撫湖廣兼贊理軍

務時王儉奉命討靖州等叛苗辭荆襄賊未平兵部劾免



癸巳溢額度僧道五萬人從僧錄司右闡教道堅等之請

夜月犯壘壁陣西第二星又大星自天市垣流尾宿

丙申曉刻月犯外屏西第二星

丁酉發松江粟十萬石助賑淮徐

脩壽州安豐塘

戊戌兵部言廣西搖賊陷洛容博白縣掠全州臨桂宜山平

樂乞令趙輔韓雍分勦從之

己亥命哈密國王毋還國時卜退

四月壬寅遣二御史捕沿河盜賊

甲辰巡按河南御史婁芳上五事曰廣儲蓄河南考滿官免

赴部令納粟曰息科徵派祭祀牛八十黃蠟果品十七萬八

千餘斤俟稔秋曰薄賦斂曰蕃戶口河南淮徐飢民鬻男女

宜收贖曰減轉運上從之


乙巳夜大星自紫微西垣東北行貫華蓋

宣府隕霜殺苗

丙午冊皇妹嘉善長公主尚都尉王增

復江西左布政使翁世資先被誣降衡州知府

戊申故都督同知范廣妻宿氏訟寃命子昇仍襲寧遠衛指




揮僉事廣驍將立功先朝天順初被禍子戍廣西家籍婦宅
賜降_下皮兒馬黑麻人為不平今諺曰京城米貴安得飯廣
已酉巡撫山西右僉都御史李侃言宣大邊戍其土兵不畏
寒風之裂膚不憚驚沙之慘目寧其居而狎其敵今南人補
伍怯寒懾寇唯欲遁迯而北人戍南不習水土亦復迯回致
彼此俱病今欲以南人補南北人補北庶几兩得其便下兵
部覆行之

昏刻月犯上將星
辛亥治大同失事罪都指揮焦謙等追_下出塞潰圍走_{侯謙}
巡撫陝西項忠言巡撫久任易玩乞三年為期人知警勵廷
議非之卒寢

癸丑湖廣苗糾廣西徭撞陷淑浦縣

丙辰前太常寺少卿陳贄卒贄餘姚人舉經明行脩授杭州
訓導擢翰林待詔教內書館歷典籍五經博士尋薦陞廣東
右叅政景泰癸未內遷年七十五賜祭子嘉猷進士
丁巳荆襄賊平捷上惟石和尚逸去撫脅從流民萬八千五
百三十餘人

署新會縣事廣州同知陶魯為廣東按察僉事專守新會新



興陽江陽春龍水等縣魯初廢新會丞不任事隸韓雍麾下
常侍食有啗賊強險難下者魯請行雍謂丞妄當答曰蔣琬
龐統廢邑事矣後為蜀名臣明公毋棄魯當悉縛諸賊以獻
雍異之請擇兵三百人約力舉百鈞矢射二百步者于十五
萬衆中得之魯自將操習甘苦共之士爭為死所向無不克
累進同知

王世貞曰士有遇有不遇也魯雖才非韓雍几失魯後之
大將其無忽哉

丁卯曉刺月犯昴宿

遂安伯陳韶往南京操江捕盜

戊辰巡撫甘肅徐廷章言邊事選能才以撫番夷移邊堡以

保居人西寧水溝堡水遠不便汲宜移舊站設學校以訓邊民肅州衛決功賞以

激人心任勇智以固封守廣賢路以資任命決功賞任勇
智即行之

右軍都督僉事廣東副總兵范信卒密雲人世指揮僉事信

驍勇善用兵調馴象衛桑江下龍寨大藤峽俱立功及守潯


梧受賂縱寇故移廣東

五月辛未朔巡撫陝西項忠言套下日衆謀內寇請重臣總督

國權

成化二年

十一




鎮守廷議以河南京操兵赴之仍選武秩大臣赴延綏總督
調度

癸酉翰林脩撰羅倫言比間朝廷以楊溥故事起復大學士
李賢臣竊謂李賢大臣起復大事綱常風化所係惟陛下
亮之宋仁宗嘗起復富弼辭不赴孝宗嘗起復劉珙亦辭不
赴陛下以宋為鑒使賢盡孝于親不得罪于名教臣之願
也亦賢之分也陛下任賢在信與不信不在起與不起賢
身不可起賢口則可言宜降溫詔俾如劉珙言事聞之必行
行之必力猶起復也謫福建市舶司副提舉

王世貞曰三年通喪惟兵革無避高皇帝極重此制以
劉基宋濂章溢當帷幄方面之重于天造草昧之時而聽
其終喪了不之強起文皇帝急于事寄中外臣僚始有
奪情者或有于制中起用漸以奪情為能成化羅倫有扶
丁桓綱常疎于是奪情之風稍息雖不能書然而覲顏在位
者寡矣

丙子大學士李賢奪情入朝再乞終制不允編脩尹直以文
彥博還庶人事勸賢還羅倫賢曰潞公市恩吾不為也
設遠曰李文達奔喪即遣內臣偕往蓋促其上道也大臣




受知如此勢不能忍然羅彛正所謂依富弼故事守制依
劉琨故事言事誠文達之忠告矣然奪情所下即以是說
進庶得倚其廬不越此苦塊迨脂車而北槐棘成望櫻人
主之鱗固難乎免矣

丁丑永平同知劉璲常州通判劉文徽蘇州推官宋徵俱著
蹟特賜誥勅

戊寅召提督荆襄軍務工部尚書白圭還朝

己卯石龍復寇大昌縣夔州通判葉禎往禦之戰死禎蒞任
五月同知王蘭受牒捕賊引疾禎毅然往援巫山斬三十餘

人至是同瞿塘衛指揮曹能柴成勒民兵赴之戰旗山公
子死求把總都指揮黃鉞知府黃振援我不行同任官度敗
死失亡六百餘人并殺奉節典史 百戶 夜大雪賊
棄所掠而去禎所乘馬奔三百餘里入府哀鳴如告急狀後
馬歸同知王蘭夜且半哀鳴特甚蘭自視櫪間被嚙死事聞
贈補夔州同知制日蘇絨擊智高于羅管偕孫子以捐軀馬
暨 海牙于靜江傾將士而絕命禎之節義奚讓古人禎宣
德己卯貢士名山藏作慶遠府同知贈廣西右叅議既悞實
錄作六月辛亥事非其日



柯潛曰嗟乎葉君職民牧其所為發政施仁而已至于陳
兵旅攘寇暴則武臣所宜效力者而君亦任之誠不忍視
民之遭夫荼毒率子侄凌難危委命于鋒鏑之下當是時
涼烟白草之間積屍阜如邱几何而不湮沒而無聞乎幸
朝廷顯忠遂良使天下之義夫烈士咸有所勸則君之志
雖不就而忠有餘身雖沒而有譽于世蓋昭々也
郭棐曰公為職死馬為公死公固有臣子大義也馬何亦
甘一死以報公非忠誠以所感能然耶烈哉烈哉予獨慨
公之忠能感于馬乃不能行于察察又嗤蘭之奸不齒于

馬安能免于公嗚呼一薰一蕕凜然足為萬世勸戒矣乃
世之險夫睢々然以擠善良為得計獨何心哉

庚辰_下冠榆林紅山擊官兵拒卻之

癸未兵部議量留趙輔兵珍餘寇

甲申鎮守通州都指揮同知陳廷捕盜功進都督同知

中西准長蘆河東鹽四十萬引于西邊

乙酉協守廣東都督僉事張通仍總督備倭


鄭王瞻_堉堯王 仁宗次子母賢妃李氏國鳳翔以隴人多

瘦正統九年改懷慶好暴怒杖死人 英宗為置強相御史

國權

成化二年

十四



周 為長吏後稍戢年六十三謚曰靖

丙戌報_下酋毛里孩屯河套命都督僉事趙英游擊

夜月犯南斗魁第一星

丁亥四川總兵苗成等攻山都掌蠻自納溪入貴州兵自永寧入合斬一百八十三級尋又斬一百九十餘級

庚寅南寧伯毛榮都督同知馬良還自兩廣理京營

辛卯召大同總兵官彰武伯楊信計事


少保大學士李賢奏請大舉河套一勞永逸計之上也下_搜廷議

初_下居沙漠山以黃河為限水凍而入冰解而去邊人止防
秋冬春夏以餘力墾田脩城後_下入居河套河套黃河之套
限也廣袤數千里草茂獸肥前代及國初列城置戍後弛防
_下遂據出沒無時邊方大困

脩武伯沈煜為征西前將軍總兵官鎮守大同
御史楊琅請還王厥羅倫等官切責之
壬辰通政使張文質為兵部左侍郎

丙申麓川遺孽思明發俘入京安置登州衛

丁酉罷貴州鎮守副總兵都指揮僉事李安以南寧伯毛榮



鎮守貴州

六月辛丑儀封知縣胡澄調杞縣以儀封人奏留

癸卯巡撫山東河南左副都御史賈銓回院

甲辰命兩廣監軍太監盧永總兵官趙輔班師留太監陳宣

鎮守游擊將軍右都督和勇巡撫兩廣左僉都御史韓雍撫

勦餘寇

乙巳免天下今年屯田子粒十分之三

丁未夜木星流守昂宿

戊申以定襄伯郭登言造京營步隊小車

已酉餘盜陷巫山縣

庚戌彰武伯楊偉筦三千營

辛亥學士倪謙改南京謙既復銜入謝命直東閣言官劾之

故徒任


脩撰陳鑑為侍讀

南京左軍都督僉事鄭真卒真大寧人世千戶

壬子彰武伯楊信為平下將軍總兵官率京兵萬人大同兵

千人宣府三千騎寧夏二千騎往延綏討下都督同知趙勝

副總兵都督僉事湛清叅將都指揮同知秦傑守備柴溝堡



署都指揮僉事許寧俱游擊將軍太監裴富監軍右少監廖
寧監槍延綏總兵官都指揮同知房能為署都督僉事戶部
員外郎嚴祖興治餉御史 紀功

癸丑福建沙縣訓導周復上平夷十事調選將士激發智勇
預察地宜籌策方略脩飭兵器廣備糧糗嚴明號令採納眾
謀即行賞罰儲養武俊 上納之

甲寅戶部郎中王育督餉四川

乙卯夜月犯壘壁陣西第一星

丙辰夜流星自北行東南數小星隨之

丁巳釋輕囚

辛酉都結州土官儂安謀叛侵萬承州臘浪等十七村土族
許彬以聞事下韓雍


壬戌逆寇劉通等四十八人伏誅

乙丑禮部右侍郎李銘疾去

寧陽侯陳潤卒

丙寅巡撫四川汪浩討武隆彭水等縣盜

丁卯安遠侯教讀訓導戴仲衡請選岷洮河州土達土人精
壯一二萬戰功先登者上擒獲次之斬級又次之兵部言先



登先濫如報三十級先登千餘人豈足信 上甚是之
右都督馮宗為總兵官鎮守廣東初廣東止副總兵有總兵
官自宗始

戊辰南京翰林學士倪謙為禮部右侍郎
定州久雨城傾


七月辛未禮部右侍郎倪謙以科道交劾命致仕

壬申吉王見浚寇

癸酉守備偏頭關都指揮僉事錢能失事被劾下獄戍遼東
丙子 寇犯寧夏花馬池平涼掠開城廣寧等苑馬一千六

百餘匹

丁丑西安知府余子俊平涼知府王正保寧知府李正方保
定知府謝騫永平知府 晟鎮江知府姚堂東昌知府徐煥
登州同知宋璽蘇州知府盧忠同知王貴濟南同知王必貴
北通州知州李琪高唐知州郭昇曹州知州伍禮鈞州知州
彭述安慶推官宋瓊山東布政司理問楊愷順義知縣徐晟
灤縣知縣賈貞長垣知縣劉弘吳江知縣韓槃嘉定知縣龍
普華亭知縣石玫當塗知縣韓泰歙縣知縣吳遜儀封知縣
胡澄柘城知縣李琳新鄉知縣楊清獲嘉知縣邢表汲縣知



縣盧信信陽知縣尚璣臨漳知縣戴昕光山知縣段永郊縣
知縣王壘陽信知縣白旻商河知縣冠源嘉祥知縣張慶福
山知縣段堅太湖知縣彭賢俱廉能著賜誥勅旌異
已卯流星自天苑行至迹濁
辛巳封 皇弟見治忻王見沛徽王
少詹事兼國子祭酒司馬恂山陰人正統甲子貢士授
給事中天順初改左贊善直東宮素謙厚癸未超少詹事覲
相頗改其度晚快望見薄贈禮部左侍郎賜祭孫公翰恩廕
中書舍人

丙午兵部尚書彭時歸省

南京大理寺卿馬文升憂去


甲申魯王肇輝薨年七十九謚曰靖

丙戌工部右侍郎蒯祥陸祥俱為左侍郎

丁亥安南入貢

湖廣都指揮莊榮等破靖州苗斬千四百十九級擒百五十
餘人

己丑逮寧夏總兵官都督僉事李杲下獄太監王清劾其貪
怯杲亦許之



抵于寧夏諸將遂入興武營尋入靈州總兵李杲張榮俱
不出都指揮焦政戰死

廣東流賊敗于徐聞

庚寅戒朝臣出使藩府受宴餽

癸巳卜寇寧夏

甲午廣義伯吳琮為征西將軍總州官鎮守寧夏

順天保定開封青州大水

東寧伯焦亮卒

乙未卜窺花馬池命提督軍務右副都御史項忠游擊將軍

趙英速禦之

戊戌卜毛里孩寇固原圍都指揮盛統于群牧營堡命速援
時土達滿俊有二志犒卜羊酒字來酬之左都御史項忠陳
介巡撫寧夏致任都督張泰富馬耕牧于鳴沙洲與土達偕
獨遭掠或言土達張把腰為之也

己亥東阿嶧縣大雨水溺人畜甚眾


卜寇寧夏

是月太原隕霜殺穀

八月辛丑禮科給事中邱弘上十事畏天戒容直言清選法抑

國權 成化二年

二十



奢僭通錢法息紛爭廣儲蓄閔窮民革弊政差役飭邊防脩
上從之

南京兵部左侍郎李震改刑部

申淫侈之禁

丙午昏刺月犯星宿東星

丁未進士馬誠梁瀚為翰林檢討教諭何璧周瑾為待詔監

生羅麟孫迪為中書舍人侍崇王

戊申兵部尚書王復左都御史李秉整飭邊脩復延綏以西

山東左布政使原傑為右都御史巡撫山東戶部郎中閻本

為右僉都御史巡撫蘇州

庚戌浙江左布政使李顥為工部右侍郎

辛亥浙江按察副使張岐為右僉都御史巡撫延綏

宥南京兵部尚書李賓罪賓私怨戶部員外郎范奎喉人訐


奏俱失實

兩廣蠻平復總叅監司等官開俸

周府原武王時薨年四十二年謚安懿

壬子都督同知馬良協守南京

固始知縣薛良秩滿巡撫薦陞正六品俸留任



勅給事中劉吳紀欽清理草場

進士周鑑避崇府選官稱疾吏部劾其奸除名

淄川妖人趙覽惑眾伏誅

癸丑後軍都督同知艾義卒 高郵人

右軍都督僉事孫廣卒 利津人

甲寅東寧伯焦壽為總兵官鎮守薊州永平

丁巳 冠寧夏都指揮焦政等戰死

賊殺知縣于達教諭湯敏大使汪士讓遂深入掠靜寧隆德

戊午夜月犯五車東南星

己未 入貢

辛酉紹興知府彭誼為山東左布政使 思七位自一云十民

壬戌脩撰邢讓為國子祭酒

癸亥定納馬贖罪例


乙丑南京光祿寺卿蔚能卒能朝邑人起掾曹授光祿寺典

簿積資至禮部右侍郎最清謹在光祿三十餘年不私一鬻

嘗覈上供器具忤旨下獄獨引罪調南京人甚稱之

丁卯遣行人馬旋諭祭故少保兵部尚書于謙墓曰卿以俊

偉之略經濟之才歷事先朝茂著勞績當國家之多難保社



稷以無虞惟公道以自持為權奸之所害在 先皇帝已知
其枉而朕心實憐其忠故復卿子官于冕府軍前遣人諭祭
嗚呼哀其死而表其生亦順乎天理厄于前而伸于後允愜
乎庶心用昭百世之令名式慰九泉之冥漠靈爽如在尚克
鑒之

兵科都給事中袁愷為右僉都御史巡撫遼東

九月己巳朔寧夏副總兵張榮報七月有女子逃自卜云候雨

雪掠蘭縣右叅將左指揮僉事王安報男子逃自卜云十月

白環縣直犯平涼命嚴為倫亡何幹羅出犯邊毛里狹襲幹羅出遁

庚午右軍署都督僉事林盛為副總兵協同廣義伯吳琮鎮

守寧夏

辛未署都督僉事李景管左府事宰用魯鑑管右府事

壬申錄擒妖功錦衣衛都指揮僉事袁彬為都指揮同知


甲戌故戶部尚書王佐謚忠簡兵部尚書鄺楚謚忠肅

戊戌曲阜知縣孔公錫加兗州通判

朶顏衛右都督朶羅干遣使報邊情且求印帳勅曰爾三衛

皆我 祖宗所立衛我邊境前人歲貢無有二心爾等乃隨

從毛里狹為逆今賞賜官職誰與爾耶既改悔來朝并報卜



情特從寬貸仍賜表裏以荅爾意

庚辰左僉都御史王儉降山東布政使右叅議儉撫貴州勦
寇屢劾歸罪前撫王恕誣坐得左遷

前後軍都督同知董斌寧陽人

辛巳禁邊官不許假貸固利


四川戎縣夷阿見九姓長官司夷會來等來朝貢馬乞改設
土官然畏汪浩等不敢言枉殺父兄事浩等欲實前奏終不
與設官

壬午南京御用監火

甲申勅右軍右都督劉聚為副總兵以京營萬人往慶陽邠
乾過卜朝議謂毛里狹踏冰必自寧夏中衛及靖卜蘭縣方
入甘涼而楊信獨謂或顧此失彼故有是命
丙戌瓦剌酋長失帖木兒入貢卜刺罕衛使臣五十人亦冒
迤北入貢禮部謂卜刺罕衛朶顏同類來朝朶顏處今混賞
且墮其奸且北使賞如例罕仍從朶顏賞例且戒諭之卜刺
報可

己丑災傷免太原大同田租二十萬石有奇

辛卯福餘衛夷寇遼東



壬辰錦衣衛鎮撫馮瑤正千戶朱驥俱指揮僉事

乙未延綏游擊將軍都指揮同知秦傑為都指揮使以敗

龍州澗擒卜二十六人又獲甲仗畜產

光祿寺求益歲費禮部言正統時牲畜歲費不過三四萬天

順以來遞增至十七萬暴珍為甚宜如元年正月詔例裁省

從之

卜寇遼東慶雲堡

丙申冊 皇妹淳安長公主駙馬都尉蔡震尚之

赤斤蒙古衛阿速子瓦撒塔兒襲左都督

丁酉整飭大同邊備左都御史李秉提督遼東軍務

十月己亥朔科道交劾都督同知趙輔玩寇殃民敗敵諸罪不聽

復徵湖廣金沙洲江西九江船鈔始景泰間尋停

庚子守備義州都指揮使施英為署都督僉事副總兵


卜寇延綏東路右叅將署都指揮湯胤勳追擊死之胤勳故

信國公和曾孫強記能詩好大言棄諸生設兵西征守孤山

無城戍卒七百人方疾起追卜部亟呼勿進不聽而敗事聞

同固原衛指揮使哈昭賜祭

癸卯平卜將軍楊信言逐卜功擒五人斬五級勅勞之



中軍都督僉事顏通收牧馬受賄下獄

丁未傳制封膺鉅岷世子膺鋪安昌王

流賊劉龍劉喜

即石和尚
劉長子

及劉通妻連氏偽國師王常偽給

事中苗龍偽都指揮張石英等偽千戶張剛等六百餘人俱

漢中敗降

戊申故工部尚書兼東閣大學士高穀謚文毅

列傳作文毅
宗臣刊其文

集十二卷云文懿見朱國禎湧幢小品宗
臣係同鄉後輩必據高氏之子孫當不爽

甲寅整飭邊備左都御史李秉言建州乞憐海西野人女直

等入貢邊臣驗其方物貂純黑馬肥大始入否則拒之且貂

產黑龍江迤北非建州毛憐所有中國之待夷狄嘉其慕義
不計其物若必較厚薄則性易漓非厚往薄來之意乞令
後貢夷驗入不得精擇起衅從之

丁巳傳陞凌寰尚寶司卿汪容少卿李淳周祥光祿寺少卿

金溥王恒顧本俱光祿寺丞王頤張頌夏文振董序俱大理

寺右評事匠人徐端錦衣衛鎮撫朱貴營繕所丞宣德時文

華門東廡命中書舍人數人書楹帖聚扇之類後雜進寫佛


老書于寵至是彌濫不能悉

罷大同總兵官都督僉事張鵬

國權

成化二年

三



河南上劉通再從子弟三十三人且錄其產廷訊俱踈屬法不坐釋之

壬戌卜千餘騎入遼東玉湖口指揮張勝失利遂掠佟家寨殺指揮金榮

乙丑降順天府尹張諫萊州知府御史黃瓌常山縣丞俱互訐失寶

富順知縣孫瑄婪虐被劾入京黃緣命還任士論駭之
浙江布政使左叅政閻鐸為順天府尹

鎮守涼州都指揮僉事張劉玉進都督同知


丙寅增四川叙州馬湖兵備僉事

海盜犯廣東臨高縣殺縣丞陳瑛

十一月癸酉協守涼州都督僉事趙瑛進都督同知

設房縣均州安遠千戶所房縣板橋山穀城石花街南潼七里頭襄陽油房灘當陽漳河口巡檢司均州增撫民同知一竹山鄖陽上津高彰穀城棗陽光化宜城當陽安遠各增撫民縣丞一專捕盜俱提督尚書白圭等議

丙子刑部員外郎彭韶劾左右都御史張岐愴邪奔競不可用宜召王竑李秉葉盛上怒下錦衣獄給事中毛弘等疏



救不聽進士林敷為詔書奏并罪納贖還秩

夜月犯外屏西星

丁丑命過冬至節論囚給事中毛弘等謂非時宜俟來年霜降報可

卜入陝西安定縣

夜卜犯遠東來鳳等寨指揮劉英禦之中矢死

己卯平廣寇功中軍都督同知趙輔封武靖伯祿千二百石韓府襄城王範堦薨年四十四謚昭裕

癸未祭故司禮太監王誠天順間被誣死

乙酉左僉都御史韓雍進左副都御史游擊將軍右都督和勇進左都督加俸百石戶部右侍郎薛遠為左侍郎御史汪霖劉慶為大理右寺丞餘陞賞有差

戊子磔叛黨劉龍等七十三人誅家屬五十人

己丑整飭邊備兵部尚書王復言東自黃河岸府谷堡西止定邊營接寧夏花馬池表二千里無有屏障祇藉墩臺城堡為守舊城堡二十五耕牧在屯戍外遇賊不及援西南直至慶陽相離五六百里烽火不接墩臺踈濶今府谷堡移出苞州舊城東村堡移出高漠嶺响水堡移出黑河山土門堡移

